

**Broj :** 01- /15  
**Dana :** 10.12.2015. godine

**SKUPŠTINA KANTONA SARAJEVO**  
**n/r predsjedavajuće**

**PREDMET:** Poslaničko pitanje Semir Halilović, odgovor, dostavlja se;-

Zastupnik Semir Halilović na Sedmoj Radnoj sjednici Skupštine Kantona Sarajevo, održanoj dana 07.10.2015.godine, u okviru tačke Dnevnog reda, „Poslanička pitanja, inicijative i odgovori“, a u skladu sa Poslovníkom Skupštine Kantona Sarajevo postavio je zastupničko pitanje:

**Poslaničko pitanje:**

„Zanima me koliki je broj odbačenih krivičnih prijava koje je MUP KS poslao Tužilaštvu KS te sistematizovan odgovor zbog čega su iste prijave odbijene: nedostatak dokumenata, nepotpuna prijava, nedostatak dokaza?.“

**Odgovor na poslaničko pitanje:**

Shodno informacijama dobivenim iz Uprave policije obavještavamo Vas da ista obavlja periodične analize u vezi obavijesti da se po pojedinim izvještajima o počinjenim krivičnim djelima istraga neće provoditi, isključivo za internu upotrebu, što smo i u ranijoj našoj korespondenciji naznačivali.

Analize obavijesti Tužilaštva o tome da se istraga neće provoditi, obavljaju se isključivo s ciljem poboljšanja efikasnosti i efektivnosti u radu policijskih službenika Uprave policije.

U poslaničkom pitanju nije precizirano vrijeme, tako da ćemo navesti zaključke analize za period januar-oktobar 2015.godine.

Obavijesti o tome da se istraga neće provoditi u periodu analize obuhvataju izvještaje o počinjenju krivičnog djela, podnesene od strane policijskih službenika Uprave policije MUP-a Kantona Sarajevo, u periodu od 1999. do 2015.godine.

U periodu koji je obuhvaćen analizom zaprimljeno je 1413 obavijesti da se istraga neće provoditi po podnesenom izvještaju o počinjenju krivičnog djela, a najveći broj (648 ili 46%) se odnosi na razlog – ne postoje osnovi sumnje da je počinjeno krivično djelo, zatim (315 ili 22%) – nema dovoljno

dokaza, (172 ili 12 %) - nije krivično djelo, (123 ili 9%) – beznačajno djelo, (71 ili 5%) – nema obilježja krivičnog djela/postoje obilježja prekršaja.

Analizirano po vrsti krivičnih djela, najveći broj obavijesti se odnosi na prijavljeno krivično djelo teške krađe (273), zatim nasilje u porodici (236), krađa (184), ugrožavanje sigurnosti (108) i td.

Najveći broj zaprimljenih obavijesti se odnosi na period od 2012. Do 2015. godine.

O iznesenim analitičkim pokazateljima bi bilo uputno konsultovati Kantonalno Tužilaštvo Kantona Sarajevo, obzirom da policijski službenici ne poduzimaju mjere i radnje samostalno, odnosno sve mjere i radnje koje se poduzimaju u rasvjetljavanju i dokumentovanju počinjenih krivičnih djela, poduzimaju se uz adekvatan nadzor tužitelja, kako je i Zakon predvidio.

S poštovanjem,

***MINISTAR***

mr. Ismir Jusko